

关于燕子的诗句

1.
春色遍芳菲，闲檐双燕归。还同旧侣至，来绕故巢飞。——武元衡《归燕》
2.
燕子孤飞眼乍新，睢阳风日可怜春。细推湖海同为客，漫住亭台莫避人。
穿垒衔泥终物性，南来北去任天真。处堂一恻堪千古，对尔题诗会怆神。——王一鸣《宿州见燕子》
3.
乳燕飞华屋，悄无人、桐阴转午，晚凉新浴。手弄生绡白团扇，扇手一时似玉。渐困倚、孤眠清熟。帘外谁来推绣户，枉教人梦断瑶台曲。又却是、风敲竹。石榴半吐红巾蹙，待浮花浪蕊都尽，伴君幽独。秾艳一枝细看取，芳心千重似束。又恐被、西风惊绿。若待得君来向此，花前对酒不忍触。共粉泪、两簌簌。——苏轼《贺新郎·乳燕飞华屋》
4.
燕来巢我檐，我屋非高大。所贵儿童善，保尔无殃祸。莫巢孀妇家，孀妇怨孤坐。妒尔长双飞，打尔危巢破。——胡玢《巢燕》
5.
飞魂同夜鹊，倦寝忆晨鸡。暗牖悬蛛网，空梁落燕泥。前年过代北，今岁往辽西。一去无消息，那能惜马蹄。——薛道衡《昔昔盐》
6.
画檐春燕须同宿，兰浦双鸳肯独飞。长恨桃源诸女伴，等闲花里送郎归。
——步非烟《寄怀》

7.
多时窗外语呢喃，只要佳人卷绣帘。大厦已成须庆贺，高门频入莫憎嫌。
花间舞蝶和香趁，江畔春泥带雨衔。栖息数年情已厚，营巢争肯傍他檐。
——刘兼《春燕》
8.
燕子来时新社，梨花落后清明。池上碧苔三四点，叶底黄鹂一两声，日
长飞絮轻。巧笑东邻女伴，采桑径里逢迎。疑怪昨宵春梦好，元是今朝
斗草赢，笑从双脸生。——晏殊《破阵子·春景》
9.
草合离宫转夕晖，孤云漂泊复何依。山河风景原无异，城郭人民半已非。
满地芦花和我老，旧家燕子傍谁飞？从今别却江南路，化作啼鹃带血
归。——文天祥《金陵驿》
- 10.燕子不归春事晚，一汀烟雨杏花寒。——戴叔伦《苏溪亭》
- 11.已过燕子穿帘後，又见鱼上市时。——陆游《春日》
12.
峡云烘日欲成霞，灩水成纹浅见沙。又向蛮方作寒食，强持扈酒对梨花。
物如巢燕年年客，心羨游僧处处家。赖有春风能领略，一生相伴遍天
涯。——陆游《寒食》
13.
变石身犹重，衔泥力尚微。从来赴甲第，两起一双飞。——张鷟《咏燕
》
14.
樱桃谢了梨花发，红白相催。燕子归来。几处风帘绣户开。人生乐事知
多少，且酌金杯。管咽弦哀。慢引萧娘舞袖回。——晏殊《采桑子·樱
桃谢了梨花发》
- 15.

花褪残红青杏小。燕子飞时，绿水人家绕。枝上柳绵吹又少。天涯何处无芳草。墙里秋千墙外道。墙外行人，墙里佳人笑。笑渐不闻声渐悄。多情却被无情恼。——苏轼《蝶恋花·花褪残红青杏小》

16.燕子初来语更新，一声声报内家春。——王珣《宫词》

17.垂下帘栊，双燕归来细雨中。——欧阳修《采桑子》

18.

孤山寺北贾亭西，水面初平云脚低。几处早莺争暖树，谁家新燕啄春泥。乱花渐欲迷人眼，浅草才能没马蹄。最爱湖东行不足，绿杨阴里白沙堤。——白居易《钱塘湖春行》

19.

鸂鶒洲头浪淘沙，青楼春望日将斜。衔泥燕子争归舍，独自狂夫不忆家。——刘禹锡《浪淘沙》

20.

小楼归燕又黄昏。寂寞锁高门。轻风细雨，惜花天气，相次过春分。——杜安世《少年游》

21.罗幔轻寒，燕子双飞去。——晏殊《破阵子》

22.

春色岂相访，众雏还识机。故巢傥未毁，会傍主人飞。——杜甫《归燕》

23.

槛菊愁烟兰泣露。罗幕轻寒，燕子双飞去。明月不谙离恨苦。斜光到晓穿朱户。昨夜西风凋碧树。独上高楼，望尽天涯路。欲寄彩笺兼尺素。山长水阔知何处。——晏殊《蝶恋花·槛菊愁烟兰泣露》

24.冥冥花正开，飏飏燕新乳。——韦应物《长安遇冯著》

25.

一别家山音信杳，百种相思，肠断何时了。燕子不来花又老，一春瘦的腰儿小。薄幸郎君何日到，想自当初，莫要相逢好。好梦欲成还又觉，绿窗但觉莺啼晓。——施耐庵《蝶恋花·一别家山音信杳》

26.

双燕复双燕，双飞令人羨。玉楼珠阁不独栖，金窗绣户长相见。——李白《双燕离》

本文链接：<https://duanjuziku.com/duanjuzi/ws8k3nyfxk.html>